

徐仙翰藻卷之十三

柳六

請東村公書

維神顯相以文自鳴不能為相靈誠慧之詩安敢效塚中談易之事滿屋有愧坐井無聞自惟一得之愚未免三書之上茲見評於月

柳六

且母罪我以春秋靈濟微號四百餘年相傳已久通真先生九十四化孰敢與知名利雖曰殊文章自合公論惟天不愛道地不愛寶故河乃出圖洛乃出書知神所為因幾而作聖人本不語怪君子質諸無疑視之不見聽

之弗聞無聲與臭大莫能載小莫能破則變則通聰明正直依乎人吉凶悔吝指其掌古人風靡惟為緯穆和遜之民世俗日趨安有禮義廉耻之士此亦憂道者也吾豈徒文乎哉既當理何必求人蓋空言不如行道若非鬼而祭之則為諛所謂成其意者毋自欺恭惟執事閣下顯幽闡微探頤索隱若若之瞻壁五千仞浩浩其氣筆掃千軍久欽滕王閣之才輒易羅池碑之請恐伯皆猶有慙色幸子瞻不敢因辭仰恃大人長者之用心辱惠

幼婦外孫之雅句業祠改觀頌石寵榮作萬世之表儀律四方之冠冕書不盡言言不盡意畧寓此情大而謂聖聖而謂神必報其德尚祈斤削切勿墻廡不宣

代鄉人請東村公啓

古廟九四百年之塵埃久矣新碑一千八十字氣象渾然雖文章可得而聞然山斗徒塵所向不遠千里尚堪一行豈意篆高數絳歲月弗圖今日反食前言昨有龍鶴非謝右軍之筆今無燔肉莫乘夫子之車未暗藥言徒深芒背靖想高明之德不忘貧賤之交北辱好辭不比嫌青配白自慚俗語無乃以紫亂朱借問閣下河銘恩衷臆恭惟先生精窮造化學貴人天橫鷺汪洋如唐退之弘深雄雅過漢司馬知名已久獲賞尤多石磯老人初非索債山中木客只會吟詩既遺尺素之勤不能無綿袍之戀惠而如我誰敢忘原伏念其晚學無知童心殘智但涉虛無漂渺之說初無光明俊偉之才仰荷吹枯已嘗席庇敬修雁字畧陳私意之再三敢屈駟車少慰此

心之萬一

謝東村公書

或問曰靈濟王記自記矣王既自記而猶汲汲有求於人者奚心哉天地間物之靈靈者莫如龍呼吸變化神妙莫測其所以

依憑而能使為之靈者雲也龍不得雲則不能神其靈矣今求於公者此意也敬以書謝

入閨張祿即已死之應侯室陶朱乃隱身之范蠡雖曰姓名不一本來面目自然畢變契不知所讀何書身舜禹湯自古相傳此道造次顛沛必於是危微精一執厥中蓋以垂世立教為心必盡尊親事上之禮數千百年莫測其妙九十四化可得而聞無影無聲未敢對鬼神之間以義為利初非循盜跖之徒自惟碌碌之才輒有戀戀之意雖三瀆則不告而片辭可以知胡為來哉亦有以也一女貞衆女蕩則蕩咲而貞羞九人髮一人冠則冠愧而髮勝雖曰世道然矣有人心者乎不明大學之生財重辱春秋之直筆當今之世

捨公其誰雖夫非人而人非天必行願言而言願行恭惟東村先生德參隱顯道貫幽明紙上雲煙有得柳骨頰肌之製骨中溟渤無非周情孔思之文迺覺今之是非昨之非未有甲曰可乙曰否一言而决衆論所推何項形迹之求亦陰陽之事止山公有子生孫孫

謝東村公啓

辱惠佳作以為董祠之光讀之三復頌覺神悟真所謂有智無智較三十里若竊比於潼川先生則非予之所敢道銘之座右使來者陟斯堂觀斯文想其人如觀虎皮知其肅於山林而百獸也

謝東村公啓

言念袖詩而來曾與以徽半面作記所托再瞻五勅不允雖欲擁篲以迎門未獲執鞭而恭乘高山仰止我心孔懷欲識荆州適所願考不遇魯侯是亦天也恭惟府判先生即鄉閭下年高德邵陰相神扶經明行修皆周公之子之業財裕國富匪晏嬰管仲之功學術有以過人冠冕特其小事自得東村之樂何妨

別野之遊敢再拜于下風幸見知於今日祠堂有誌典雅何啻千言人口是使流頌不知幾載皆出胷中全馬初非紙上雕蟲自慙疎魯之才草識吹揚之力靈明感格里社輝煌君子恕以待人禮物將其微意鴻毛千里謾

謝六

陳雙鯉之勤義字千金輒有白鶴之謝深慙草畧幸賜片留敬救墨卿仰千籤史謹啓

代鄉人謝東村公啓

韓子華見稱於持國此為縉紳當制之榮謝靈運不夢於惠連安得池塘佳句之妙有是兄必有是弟敬其人復敬其神重辱高材肯為速下久懷謙德不敢忘恩皆曰伯氏之權衡賞出門下之操縱三年而投十幣自憐餽食之踈一言而重千金敢借齒牙之譽伏念甚苟安閭里退隱山林雖貧自謂不改頽瓢

所至未嘗妄投稱刺久冰江河之餘潤實因瓜葛之連枝捨是無求莫知所措恭惟其人知名望族間世奇材胷中之志氣慷慨筆下之文章浩蕩深愧圭門華實莫容駟馬高車敬修尺素之恭未免金錢之愧來因多施素

聞贊軍校尉之名廟宇一新全得成郁太守之力適符願望聊罄敷陳

謝張總管啓

伏目抗論朝廷之上錄進千秋運壽惟懼之中侯封萬戶典刑如在世代其昌通刺敢為

謝六

庭謁之先下問無耻塗歌之聽恭惟總管相公氣充剛大性尚慈仁治民以父母之心斷事有神明之見究消業棘種滿甘棠德政廉平獨冠南閩之七郡丰姿高越共瞻北斗之一人學海淵源儒林華藻運筆頭之造化走

紙上之風雲久聞臺中二妙之才喜過天下同文之會法精崔杜至今稱之論及歐虞無所短者百里之城門壯麗千年之華表嶽新猗歟休哉美又善矣伏念某互鄉童子白屋陋生願觀風月之清光曾席江河之餘潤今

茲積善里舊有祈雨官累獲感通號曰靈濟字樣如斗大書又喜特書人口是碑感德猶當頌德永為盛事誰敢原竿干櫓之虛文何足為禮天相神扶而多福式慰禱忱草草懷懸拳拳具謝

上程廉訪求書席額啓

披車八郡喜增福地之光肅政一臺均席使  
天之庇銘心知感沒齒敢志恭惟肅政廉訪  
大使相公問世宏才濟時碩德性淳事謹久  
稱成都循吏之家聲心正意誠親受伊川先

生之道學朱紫曾誇閱清白以遺子孫典  
刑尚閑洛之風禮義作旣聞之倡書法獨高  
萬古筆陣掃退千軍盧洛王揚何足道哉  
震楮薛未可及也真是比方之敵敬擬  
曲之拳拳伏念隴畝編民艸萊下士見福而

小身惹且愚仰干斧鉞之誅輒伸榜額之請  
今茲積善里古有靈濟宮此士民所共瞻依  
曾雨暘之獲感應榮求三字重惜千金早賜  
發揮不勝欣扑相公門大敢復上光乾之書  
小子并窺有再濟童蒙之益幸為領畧莫究

刺裁不宣

代鄉人請陳道與奉靈濟宮啓

靈濟宮好一道場千年香火青布市許多人  
物累代衣冠與我同心為之潤色徽號上尊  
於兩關盛名遠播於四方傳後化今王楊盧

駱之文不能過也登真證聖征僑倭佞之學  
可得聞歟以代天行化立心以濟物利人為  
誓慈悲化現功德難量春祀之儀尚存其禮  
朝夕焚修之責或闕其人用是因循未能採  
訪誰與獨處謀及大同主善為師如先生粹

心戒行之士有衆請命非吾輩人情面分之  
私倘辱法駕以育臨愈見宮門之壯觀

又

點鐵成金深賴陶鑄之力拋磚引玉重承聯  
儷之文昨具疏頭載嚴簡目謹洎毅且敬掃  
茅蘆拱俟法駕以垂光當備香花而引袖千  
年華表歸捷獨鶴之仙萬載道場雄古六鰲  
之地四方瞻仰衆力維持經之營之伊誰之  
力始是終是維我之心鄉人之心尚慮齟齬  
非可久居未免拳拳而為致請人情周至都

道梅花水直千金好事完成勝過揚州腰纏  
十萬

請高功唐宗萬建會

評惟月旦辱聲譽之遠揚度會天人忽姓名  
之招出敬裁柔訥往候光驅恭惟某人先生

學廣淵源道高丘岳達冲玄之至妙體虛靜  
以無為心存齋法以嚴明力為教門而扶植  
始吾於人而信其行當今之世捨公其誰茲  
為靈濟宮衆建普度會七月望日特光十日  
之期三日致齋爰舉九朝之典外為演教內

誦度人攀在尊嚴主盟科事倘幽魂之開度  
實斯會之有光仰賴師明俯懇冒瀆伏念某  
僻居也陋後進何知雖道不可得而聞惟賢  
者樂與為善幸獲下車而就席即當掃榻以  
迎門一葦可航六十里永為遠涉辦香致敬

百千人所共皈依既與同衆必無我棄

代鄉民請人任都講啓

久仰高風固非一日比參玄論借叩丹房荷  
辱謙恭肯為盼睐奉別而後弗替此懷茲為  
靈濟宮建醮適通簡濟羣屈軍軒若論典誥

之文為衆所舉當今道德之士捨公其誰倘  
以齋法作自己工夫使我神靈得合仙骨像  
皆庇之及為感何如棟梁之材根閭居禩非  
所宜也川海之量漕渠污澤莫不歸焉肯辱  
臨壇即當擁篲

贈越山奉祠啓

某應機利物未開方便之門撥草恭玄願觀  
真空之奧辱知也久投刺無由道西峽之阻  
長雲北山而企仰修承傳命敢不效綿弟神  
明不可度思在小子自當應對若非重珪禪

脚六

師之戒律真以辰龐居士之神通大悲之聞  
記已成輒敢露出東坡面目曹溪之道場不  
小何妨拈起六祖話頭重林和尚胡為子來  
我石徑老子必無我棄也誠恐金根之錯易  
尚求玉芥以修成倘蒙把作頂衫也是移來

公案錄茲遺棄只依篋上葫蘆侑以輕縑聊  
當湖州紫笋大開法眼小顧私情不宣

賀鹿山授宣啓

伏以廣順祖師曾赴玉禮朝堂之石咸通禪  
寺修膺金書勅額之榮克光于前必復其始

恭惟白鹿禪師物露法雨香滿慈岩是名上  
人有福德相仰法宸恩之修欽承宣命之除  
高峯攀萬歲之云天聲呼萬歲大刹壯三山  
之福地均重山三山喝散野外之妖狐喜遇  
堂前雙鹿叢林蕭蕭隣里輝煌伏念某安分

無能交結已久敢以縹緲虛無之說敬於神  
通妙用之禪雖塔上題名文章見諸行事然  
牢頭進步力量可以過人緣法夫豈偶然道  
場自然興矣載伸慶賀不捨慈悲既蒙駕象  
之寵臨願顯青鳧之聖瑞千年祠宇必須得

脚六

佛證明一辨心香應當合掌供養編摩字短  
皈依意長聊奉偈曰雨巖巖頂坐妙用大神  
通喜拜

君恩重名高萬歲峰

答周勝公問事啓

序曰周勝公乃吾鄉之白眉者俗語  
曰文人多薄命信乎駢四驪六欲有  
所求非吾三折肱所能畧以數目為

報

切以山林川谷丘陵皆曰神三望特嚴於祀  
典陰陽風雨明晦失其節六淫已戒於醫書  
愧無岳祇之靈反貽河嶽之誚有口莫辨獲  
戾奚云可以察其是卒無乃惑於禍福龜弗  
我厭特憑初筮之占鴈不能鳴敢作曰平之  
篆黃熊托夢夢生於想紅蛇化影影亦可疑

是皆精神念慮之勞致使手足胼胝之患疾  
久罹於霜露無妄之灾月既宿於斗牛伊誰  
之咎天其或者命也奈何人有常言子不語  
怪乃辱毛錐子之通刺深慙末居士之少文  
四十九年非畧知邊伯玉之悔萬二千脉息

不聞王叔和之名欲起九死於一生之餘未  
明七表與八裏之學雖百藥皆試以幸其或  
中然一夫不獲則曰子之辜何須覆而翻雲  
自有參天兩地越尚乎譏楚尚乎鬼豈不變  
其俗耶衛胃之輒齊胃之恭將馬用彼相矣  
既不貳過尚堪一行常服摩挲負熟讀和劑  
訣

又

四六駢律自是傑作再三瀆筮畧見  
真情勿藥有期非笔可既子之禱也

脚六

久矣子亦何所言哉既辱之勤不容  
以拒

伏以折臂之言雖驗何傷羊叔子之仁失輒  
之親不傷何孤委師德之譽哭書再上辱命  
多慙是雖有君子威威之窮奚必為小人礎

礎之狀不侯不還天也伯察其如命何蓋威  
名必遭手坎壞之變然此鬼常作於沉痾之  
後鶴之飯也何罪驚之鐵也何時改龜尚堪  
一行榻熟敵能再接正恐洗脚失財之誦反  
貽引手下石之譏既承口告以丁寧緬想足

音而喜躍以德報怨既無厭於老拳勉力學  
行幸不忘於故故憂人之憂樂人之樂雖孔  
孟以為難言溺已之溺饑已之饑此禹稷之  
所自誓善救物則無棄物可與言亦不失言  
欲求六尺之藤須得三年之艾橘毫作報尚  
懷脫脫之虞倒徒以迎少俟下車之問揚鞭  
致謝驅履何疑

幼婚啓白水梁聘祐入黃

言念兩家生子巧如同隊之魚二世聯姻卜  
協和鳴之鳳朱陳有舊齊鄭維新愛久托於  
青山盟用伸於白水因緣果在欣幸猶多况  
令孫女德遜遺風將喜下琴而得趣而珠男  
詩書卷志未能授筆以成文雖是因親何妨  
及幼可以為黃之倩皆曰真梁之妻時然後  
言好奉蘋蘩而盡職禮其尚質敬脩椿粟以

告處不映彞儀具陳右幅謹奉啓以聞伏惟  
尊慈俯賜鑒念不宣

上梁文

伏以三山環會爭傳福地太平一脉源流聞  
道義門陰騰今任肯堂之責迺成作室之功

茲從龜從既叶卦中之吉人好鳥好果呈屋  
上之祥恭惟其人繼業箕裘聞聲絃頌手中  
圭出支童刀筆會中自有間架規模事出一  
家喜見華樓之侈隱依百里具稱花縣之榮  
一日聘新萬年壯麗自慚小匠未有高謀因

其所目經之營之豈敢是謂錫彼斧彼黃金  
市上競誇范蠡之財綠水堂前願效老萊之  
戲聊伸燕雀之賀屢試上蟬竦之高梁

詩曰

如君筆量棟梁材 也着工夫為刺裁

大厦萬間多巨庇 庭間又喜重三槐

徐仙翰藻卷之十四

梁燈聯

梁聯

本宮 聖主萬年道永綏於華夏 明神一  
德福誕錫於邦家 鳩祚天長永紀萬年泰

運 鰲峰地壯保于四境昇平 華故島新  
復恢大壯之規 否極泰來感遂同人之志  
定光堂 佛法慈悲遍三千世界 神靈  
溥博保萬古之廟堂 祈雨玉廟 聖天子  
天長地久聖壽無疆 祈雨王兩順風調神  
靈有感

慶賀燈聯

皇帝萬年億載海嶽效靈 天下八達四通  
車書同道 聖壽萬安南極一星呈瑞 神  
光三現東封八字增輝 惟皇建極天地節  
四時成 大德曰生人民育五穀熟 聖人  
有大德曰壽曰富曰多男 天下為一家子  
繩于理于四海 皇都壯麗龍盤虎據勢重  
萬鈞 天下太平狗吠鷄鳴聲四海 國朝  
混一自北而南天寬地闊 世道太平復今